

ՀՆԱԳՈՒՅՆ ԱԶԳԵՐԻ ՀԵՐՈՍԱԿԱՆ ԷԶԵՐԸ



Առաջադրանքներ

1. Տրված բառաշարքից դ՛ուրս գրիր նորաբանությունները:
Ճեպահարցում, լուսավոր, կածան, գեղջուկ, ուստի, սպազա, սռավոր, տեսանյութ, ընտրասրեղամաս, եվրոբանկ, հայրեն, դրացի, արտույտ, լրատվամիջոց, ավերաբեր, խաղահանդես:
2. Բառաշարքից դ՛ուրս գրիր գրքային բառերը:
Եղյամել, ցնծություն, արևահամ, ողբանվագ, լացակումած, արնանման, անվեհեր, լուսնաթռիչք, հրավիրակ, արծաթել, արևմարք, խապուտիկ, մացառուտ, հողմածեծ, տխուրացյա, գիշերուզոր:
3. Տրված բառաշարքում ընգծիր խոսակցական բառապաշարի բառերը՝ գրելով դրանց գրական համարժեքները:
Իրիկուն, հառաչանք, քառասուն, շղարշ, թուշ, խուռներամ, հռռռալ, լպրծուն, կարկառել, սկանջալուր, լուռումունջ, հուռթի, մորթի, ճանկռել, ձովողյուն, շրշուն, մանրակրկիտ, ըմբռնել, մորթել, աչքածակ, կոտոշ, գիժ:
4. Գրիր հետևյալ բառերի հոմանիշները և փորձիր օգտագործել փոքրիկ պատմության մեջ:
Անտառուտ, խոխոալ, սևեռուն, շրշուն, շահագրգռել, ջարդել, արևառ, կրնկակոխ, ուռչել, երեկո:
5. Տրված բառաշարքից դ՛ուրս գրիր գրքային բառերը և մի քանիսը գործածիր նախադասությունների մեջ:
Ես, տուն, թեպեղև, նա, երևի, եղանակ, գեղեցիկ, ծով, գեպ, ջուր, մայր, արևահամ, գեղեցիկ, ես, դու, հարսնասրես, դյուրին, ջրահարս, կոտորակ, դահլիճ, աստղածաղիկ, բաժակաթերթ, հրաշագեղ, մրրիկ, լեզու, տաք, քաղցր, ասել, ուրել, գրել, քնել, խմել, սյուր, շուն, սիրտ, հող, հաց:

6. Արտագրի՛ր տրված տեքստը, թավ գրված բառերը փոխարինի՛ր համագործածակալ բառերով:

Լիլիթը հիացմունքով դիտում էր կարապներին՝ **ձերմակափետուր** թևերով, **սլացիկ պարանոցներով**: Եվ երբ **ծունկի իջավ**՝ նրանց **փայփայելու**, հանկարծ ջրերի վրա տեսավ մի **հրաբորբ** պատկեր և հասկացավ, որ դա իր **ցուքն** է: Եվ համոզվեց Լիլիթը, որ **կապտալուրթ** երկինքը այնքան **խորունկ** չէ, ինչքան իր աչքերը, արևն իր **հրաշեկ** բոցերով այնքան հրեղեն չէ, ինչքան իր աչքերը: Այդ պահին մի գույգ ադամանդե թևերով հակինթե թիթեռներ եկան և նստեցին նրա մազերին՝ ասես մետաքսյա թելիկներից կազմված: Լիլիթը նայեց և ժպտաց.

- Ինչ լավ կլիներ, եթե սրանք միշտ **մազերիս** վրա մնային...

Եվ իսկույն քաղեց ծաղիկներ՝ **բազմերանգ, բազմաբույր և բազմաթույր**, դրեց **վարսերի** մեջ:

7. Բերված նախադասություններում գտի՛ր պատմաբառերը և դո՛ւրս գրի՛ր (խմբային աշխատանք):

ա. Նա հագել էր պարսկական պատմուճան և երկարավուն գլխարկը գլխին, ոլորուն մաշիկները ոտներին՝ պարսիկ պիտի կարծվեր, եթե չլինեին նրա սենյակի դարանում դրված մագաղաթի ձեռագրերը և կազմերին խաչաքանդակ արծաթե, ոսկե ավետարանները (**Գ.Գ.**):

բ. Վարդանը մոտեցավ, հանեց սաղավարտը և չոքեց մոր մահճի մոտ (**Գ.Գ.**):

գ. Նա օրերով գլխից չէր վերցնում փաթթոցագլխարկը, որի պատճառով գլուխը թողնում էր կարկտահարված արտի տպավորություն (**Հ.Խ.**):

դ. Ճերմակ, հաստ սրնքակալները նա բռնագրավել էր իսպանացիներից, ներքինի երկար տոգան՝ հելլեններից (**Հ.Խ.**):

ե. Որդան կարմրագույն շապիկի վրայից հագել էր արքայական ծիրանին, գլխին դրել ոսկեձաձանչ, ատամնավոր վարսակալ խույրը, ոտքերը հագցրել երկար ձերմակափայլ սրնքազգեստներ (**Հ.Խ.**):

զ. Նա հագել էր զորապետի տունիկան, գլխին դրել նրա սա-

ղավարտը ու, ծիծաղը հազիվ զսպելով, ողջունում էր լեգեոնականներին **(Հ.Խ.)**:

է. Իսկ ինքը՝ Համասփյուռը, ցանկանու՞մ է արդյոք հենց վաղը ապարոշ դնել գլխին **(Հ.Խ.)**:

ը. Իր փառահեղ գահին բազմել էր արքայից արքա Տիգրանը, նրա ձախ կողքին տիկնանց տիկին Համասփյուռն էր, աջ կողքին՝ արքայագն Արտավազդը, հետո՝ շքեղ քղամիդներ հագած չորս բդեշխներ, հազարապետ Փայլակ Մարգալետունին, արքայադուստր Նուանեն, զորապետ Մոմիկը, տակառապետ Գնունին **(Հ.Խ.)**:

8. Ուշադիր կարդա, սովորիր պատմաբաների ու հնաբաների բացատրությունները և դրանք տեղադրիր երկայուն աղյուսակում (զույգային աշխատանք):

Աբա (խիտ գործված բրդյա կտորից կարված տղամարդու վերնագգեստ), **արխալուղ** (տղամարդկանց և կանանց կարճ, մինչև ծնկները հասնող հագուստ), **երախ** (քահանայական զգեստ՝ պճեղավոր շապիկ), **թղլիկ** (առանց եզրերի գլխարկ, չեպչիկ, փոթիկ), **գարդմանակ** (թագավորական թագի գարդ), **դիմակալ** (սաղավարտի շարժական մաս, որ հագնում էին դեմքը պաշտպանելու համար), **զանգապան** (գինվորական պաշտպանիչ հագուստի մաս), **լանջապահ**, **լանջապան**, **լանջապանակ** (լանջը պահպանող զրահ՝ լանջագրահ=կրծքագրահ), **խույր** (ակնեղենով զարդարված գլխանոց, որ կրում էին թագավորները, բարձրաստիճան իշխանավորները և կրոնավորները), **ծիրանի** (ծիրանագույն անթև զգեստ, որ հագնում էին թագավորները), **մուճակ** (տնային ոտնաման, չուստ), **չուխա** (մահուղե նուրբ կտորից կարված երկար վերարկու), **պատմուճան** (թիկնոց, վերնագգեստ), **պարեգոտ** (թեթև վերնագգեստ), **ապարոշ** (գլխի փաթաթան), **օդ** (տրեխ, սանդալ, ոտնաման), **աշխարավանդ** (թագավորական թագի ժապավեն), **արտախուրակ** (խույրի կամ թագի արտաքին փաթոց, ապարոշ), **բազպան** (թևճակ), **քղամիդ** (կրոնավորի գլխարկ), **ճոշան** (կրծքի զրահ, կրծապան, լանջապանակ), **սաղավարտ** (մետաղյա գլխանոց), **սրնքակալ** (սրունքները պաշտպանող հագուստ), **վարշամակ**

(թաշկինակ, գլխաշոր, սրբիչ, չարսավ, պատանք), **փակեղ** (վարձանակ, ուրար իմաստով):

Պատմաբաներ	Հնաբաներ